


33444

Biblioteka Jagiellońska



stdr0025493



MANIFESTATIO

*Seu Protestatio contra Illmum Principem de Repnin Legatum Russic
ad Serenissimum Regem & Rempublicam Polonam.*

33. 444. III.
A Nno Domini 1767. die 26. mensis Octobris, coram Actis Terrestribus Districtus Grodnensis personaliter comparens Illustris Magnus Dominus Carolus Littavvor Chreptowicz Mareschalcus Confederationis, Notarius Terrestris, & electus Districtus Grodnensis ex Provincia Magni Ducatus Lithuaniae ad Comitata Regni extraordinaria Varsaviensia Nuntius, praesentem protestationem Polonico idiomate manu sua scriptam, & subscriptam publicis tabulis consignandam porrexit de tenore tali.

Libertatem vitae temporalibus bonis praeferebat, Fidem autem Catholicam Romanam, magis quam libertatem, pro innato Polonis zelo aestimans, infra-scriptus ex Provincia Magni Ducatus Lithuaniae, Districtu Grodnensi electus ad Comitata extraordinaria Varsaviae in anno 1767. die 5. Octobris celebrata Nuntius, primo coram Deo uno & trino, cui secreta cordis mei aperta sunt & manifesta, deinde coram toto Orbe, & Poloniarum Regno, coram Serenissimo Stanislae Augusto Rege, & Domino meo clementissimo, ac aliis Serenissimis Regibus, & Principibus, praesertim coram Serenissima Imperatrice totius Russiae, contra Illmum Principem de Repnin magnum cum plenitudine potestatis Russiae Legatum, solemniter, imo solemnissime protestor de & super eo.

Quod scilicet praefatus Illmus Princeps conceditam habens fidei & dispositioni suae a Serenissima Imperatrice numerosam militum copiam in Regno nostro consistentem, contra rectam suae Serenissimae Imperatricis mentem, & intentionem, abusus sit delegata sibi potestate, in praedictum illibati & intermerati honoris dicta Serenissima Majestatis in oppressionem Orthodoxae Catholicae Fidei, in convulsionem legum, jurium, praerogativarum, & libertatum Regni nostri.

Cum enim Serenissima Imperatrix cum Republica nostra confederata, pacis & mutuae amicitiae tenacissima, quasdam leges novas constitutas libertati civium contrarias ab una parte, ab altera Disunitorum & Dissidentium a Religione Catholica, quod nimirum in libero Religionum suarum exercitio impedirentur, a praerogativis, honoribus, & officiis, quibus Catholici in Regno potiuntur, ac si contra leges Regni, & pacta conventa inter Serenissimam Rempublicam Polonam, & alios Serenissimos Reges, ac Principes olim inita, arcerentur, querelas inaudiisset, ut desideriis ambarum partium pro aequanimitate & prudentia sua satisfaceret, conservandarum antiquarum Regni legum gratia, auctoritatem suam interposituram, se se obtulit, querimonias autem Disunitorum & Dissidentium a Religione Catholica in generali Regni Conventu, ad formam legum & statutorum discutiendas, & dijudicandas remisit, nolens quidquam juribus, & libertatibus Reipublicae, atque dominantis in ea Religionis Catholicae derogare.

Praeterea pacis, & tranquillitatis internae amantiissima, auxiliaribus militum copiis injunxit, ut discordes inter se cives & incolas in suo officio continerent, motus, perturbationes ab utrinque arcerent, donec congregati Reipublicae Ordines, exortas discordias componerent, & deciderent.

Constat id ex declaratione, quam Serenissima Imperatricis nomine Illmus Princeps de Repnin typis imprimi, & Varsaviae die 26. Martii anni currentis 1767. promulgari, & publicari mandavit: *Non esse intentionem suae Serenissi-*

m. 6

BIBLIOTH. UNIV.



HIST. POL.

Hist. pol. 5576.

ma Majestatis, quidquam juribus Reipublicæ ac regiminis formæ derogari (a). Item nihil aliud velle, nisi contrariarum partium odia restringere, impetus cohibere, mutuas cædes inter cives avertere (b). Item displiceret summopere Serenissimæ Imperatrici, si rectas suas intentiones sinistre quispiam interpretari, & auxiliares Russorum copias, in eversionem regiminis formæ, suspicari præsumeret. Offert propterea sua Reipublicæ officia, cupiens tali medio omnes de se sinistras opiniones penitus aboleri (c). Item desideria Serenissimæ Imperatricis non posse esse, aut dici, vergere in præjudicium Religionis Catholicæ, licet aliquam partem Nationis ad ea, quæ aliis civibus & incolis sunt communia, tempore Generalis Pacificationis admitti velit (d). Item Religionis, quam Rex, quam Primores Status, quam maxima & potissima pars Nationis profitetur, rationem habet, eamque aliis Religionibus in Regno anteponit, neque vult, ut aliquod tam in jurisdictione, quam in ritibus patiatur præjudicium (e). Item hujuscemodi Religionem si quis lædere, & perturbare auderet, ad eam defendendam, & protegendam primam se offert Serenissima Imperatrix. Religio enim, ea est materia Status, qua immutata, totum Reipublicæ corpus perturbari necesse sit (f). Item quod attinet restitutionem Dissidentium ad pristinum, ut prætendunt statum, & alios articulos, qui Nationem in diversa studia trahere possunt, si proposita a Serenissima Imperatrice methodo pertractentur, providebit illa pro sua prudentia omnem securitatem, ne ulla ex toleratis in Regno Religionibus præscriptos sibi limites excedat (g).

Attenta ejusmodi Serenissimæ Imperatricis declaratione, ante omnia, omnes Reipublicæ Ordines junctis & unitis manibus generalem inierunt Confæderationem, tandem ad indicta per Serenissimum Regem suum extraordinaria Comitia Varsaviam convenerunt, de communi bono, tranquillitate publica, componendis dissidiis, libere, & omni metu seposito consulturi. Res tamen aliter successit, Illūmus siquidem Legatus violata securitate publica, crepta dicendi, & sentiendi, quod æquum erat, facultate, spretis Regni juribus, ea in facie congregatæ Reipublicæ egit, quæ nullum alium ad externos Reges, & Principes Legatum attentasse unquam legimus.

Atque inprimis ad omnia & singula loca, in quibus Palatinatum, Terrarum, ac Districtuum particulares Conventus, Comitia generalia præcedentes, fieri solent, copias militares expedit, ut Equestrem Ordinem ad eos pro Comitibus generalibus Nuntios adigerent, qui partibus suis, & factionibus servirent. In executionem ejusmodi mandatorum Russus miles eo audaciæ processit, ut legitime per libera suffragia electos, ad cedendum electioni suæ coegerit, alios Illūmo Legato bene visos subrogaverit, atque credentialibus literis, quæ a singulis Palatinatibus suis Nuntiis dari solent, non ea, quæ dicti Palatinatus, Terræ, & Districtus laudaverunt, approbarunt, & statuerunt, sed quæ Illūmo Legato placerent, inseri forti etiam manu adegerit.

En plura! domi suæ securos esse cives non licuit, Illūm Czacki Pocilatorem Regni, genere, virtute, & meritis de Republica insignem, domi suæ commorantem, sub custodia militum teneri jussit, prohibito etiam amicorum commercio, & ad Conventum Palatinatus sui accessu.

Magnificum Kozuchovvski generalis Confæderationis Regni Consiliarium Fidei Orthodoxæ, & libertatis assertorem, in præsentia Serenissimi Regis Domini mei clementissimi, in oculis Confæderatorum Regni, & Magni Ducatus Lithuaniae Ordinum, ex loco Tribunali Confæderationis præfixo, domum redeuntem, e rheda, qua vehebatur, violenter extrahi, a milite Russo comprehendi, & ad carceres eidem deputatos duci demandavit. Quam

(a) Declarat. fol. 9. (b) Ibid. (c) Litera de Panin fol. 19. (d) Litera de Panin fol. 17. (e) Ibidem (f) Ibidem & fol. 18. (g) fol. 18.

Quam primum autem coepta fuerunt Comitia, portis civitatis Varſaviae, & aliis opportunis locis milites Ruſſos praefecit, taliterque poſthabito omni erga Sereniſſimum Regem, & Rempublicam libere ſuper negotiis vertentibus conſultaturam, reſpectu; Senatoribus, Miniſtris, Nuntiis, ſine ſuis liberi paſſus literis, egreſſum e dicta civitate prohibuit, & quod magis aggravat, obteſtatus fuit non ſe ab illa arcta cuſtodia, ſive potius obſidione ſuperſeſſurum, quamdiu votis, deſideriis, propoſitionibus ſuis (quamquam legibus noſtris, Fidei Orthodoxae, & libertati contrariis) congregata Reſpublica non conſenſerit, quod ei ex ſententia ſucceſſit.

Primum, qui in Comitiis tractaretur, Articulum de reſtituendis ad priſtinum ſtatum (ut praetendebant) Diſſidentibus obtruſit, Articulum ſane tanto gravem, quanto principalibus Regni legibus, & dominant in eo Religioni Catholicae contrarium, eumque non a tota Reſpublica, ſed a Commiſſariis per vim, metum, & illicitas ſuas factiones corruptis praecipitanter, illegitime, non paſſiſſo tam a Praeſidentibus Commiſſioni, quam ab ipsis Commiſſariis ad tenorem legum reſcripto de recta officii ſui adminiſtratione jurejurando, diſcuti, reſolvi, & decidi voluit.

Indignis magno Sereniſſimae Imperatricis Legato huiusmodi conatibus cum ſe ſe nonnulli Senatores mox nominandi, & Nuntii oppoſuiſſent, agro animo tulit, & occaſionem vindictae naſtus, Illuſtros Cajetanum Soltyk Cracoviensem, Joſephum Zaluski Kijoviensem Episcopos, Venceslaum Rzevvski Palatinum Cracoviensem & Exercituum Regni Ducem campeſtrem, ejuſque filium Capitaneum Dolinensem, & ex Palatinatu Podoliae Nuntium, concubia die 13. Octobris anni praesentis nocte ab armato milite comprehendi, captivari (audiant nefas Chriſtiani Reges ac Principes, & admirentur!) denique Varſavia relegatos ſub ſtricta cuſtodia teneri demandavit.

Horret meminisse haec animus! ſpretus Episcopalis character, flocci penſa Senatoria dignitas, adempta eiſdem domum ſuam diſponendi poſteſtas, prohibitum famulitium, denegata neceſſaria vitae commoda, bonis ſuis extorres vivunt, non tam infelicem ſuum, quam deplorandum Patriae ſtatum incuſant; & ad pietatem movent.

Gravia haec, ſed nondum finis: ſpoliata Episcopi Cracoviensis Archivia, deprædatum ærarium, ſuppellex pretioſa direpta, bona Episcopatus pluſquam hoſtili manu vaſtata, oppreſſi coloni, vexati ſubditi, curruſ & equi abacti, reſ frumentaria eveſta, greges & pecus diſperſum, non ſolum in perſonam, in reſ quoque ſævitum eſt perpetuas.

Et licet Illuſtus Legatus de Reppin violentias perſonis Episcoporum, Senatorum, & Nuntii illatas eo praetextu excuſare praetendat, quod rectas Sereniſſimae Imperatricis intentiones ſiniſtre interpretari, taliterque illibatum ejus honorem laedere auſi fuerint, at nullo probat, aut probare poterit unquam documento. Legat, & centies relegat typis impreſſos, habitos in facie Reipublicae eorum ſermones, nec unum jota inveniet, quod vel in minimo famae, & intemerato honori Sereniſſimae Imperatricis praedjudicet. Leget pro Fide Orthodoxa, pro patriis legibus ferventem zelum; verum ubi Sereniſſimam Imperatricem memorant, debitam Maieſtati ejus reverentiam, & reſpectum, nemo, niſi oculis captus ſit, legere non poterit. Laudibus illi extollunt Sereniſſimae Imperatricis propenſa in Rempublicam ſtudia, in conſervanda libertate noſtra, & Religione Orthodoxa ſollicitudinem. Unus eſt Illuſtus Princeps de Reppin, qui reos laſae Maieſtatis inſimulat, quod ſibi contra mentem Sereniſſimae Principaliſ ſuae injuſta, & iniqua agenti, & metas legationis ſuae excedenti, viriliter pro auctoritate Senatoria opponere ſe ſe minime dubitaverint.

Relegatis Varſavia ita, ut praemiſſum eſt, ſtrenuis legum patriarum, & Reli-

Religionis Catholicæ vindicibus, nihil ardentius Illūsus Legatus desideravit, quam ut Dissidentium vota secundaret, violatis proinde juribus, erepta & suppressa libere agendi, & loquendi potestate, ea per fas & nefas pro suo arbitrio egit, quæ regiminis nostri formæ, quæ legibus sacrosanctis e diametro sunt contraria. Egit inquam, ut multa paucis complectar, non tanquam Serenissimæ Imperatricis cum Republica confederatæ Legatus, sed tanquam Patriæ hostis acerrimus.

Omittam comminatos Senatoribus, & Nuntiis recta sentientibus, carceres, & exilia omittam denegatum ad Acta publica per totum Regnum accessum; Notarios, Tabelliones, ac alios Officiales a suscipiendis contra tot, & tantas Illūsi Legati violentias manifestationibus sub pœna colli inhibitos. Postquam ventum est ad ultimam Comitiorum sessionem, porrecti fuerunt per delegatos ex Ordinibus Regni nonnulli Articuli, conformiter ad leges patrias resoluti, atque in facie Reipublicæ a Secretario Comitiorum lecti; verum cum Illūso Legato minime placuissent, alios per se se compilatos juribus nostris, prærogativis, & libertatibus contrarios, neque publici Notarii manu subscriptos, in simplici & informi copia exhibuit, atque pro eorum approbatione totis viribus enixe instetit. Et quamvis Reipublicæ visum fuerit in gravi & arduo negotio maturæ deliberationi locum dari, atque eo fine Comitia ad primos Februarij differri, & limitari, eo nihilominus non obstante, ut dicti Articuli omnino approbarentur, per vim & metum extorsit.

Vix enim sex aut septem Viri, qui factionum Illūsi Legati erant, exquirenti confederatorum Ordinum Regni Mareschalco affirmative responderunt, ceteri in majori longe numero, de avertendis Patriæ malis jurejurando obstricti, repugnante factō, & conscientia admoniti, resistendi denique mediis destituti tacuerunt.

Tacuerunt quidem, sed sinceram reclamandi, quam primum liceret, voluntatem nutibus, signis, imo obortis etiam lacrymis obtestantes, nequaquam consenserunt.

Nihil tamen vetuit, quin Illūsus Legatus prædictos Articulos tota Republica consentiente laudatos falso jactaret, & assereret, utque majorem fidem, vim, & robur obtinerent, tanquam ab Ordinibus Regni approbatos, Actis publicis Cancellariæ Regni inseri mandaverit.

Quapropter ego Deum, & justitiam præ oculis dumtaxat habens, pro Fide, & in Rempublicam debito amore, pro munere Nuntii, & officio boni Patriæ civis, quamprimum ex sæpèfatis Comitibus ad Districtum meum Grodnensem redii; coram publicis ejusdem Actis, contra Serenissimæ Imperatricis (quam omni qua par est reverentia & honore veneror, atque ejus benevolentia me ipsum, ac mea omnia demisse commendo) Illūsum Legatum Principem de Repnin, contra injustos ejus, & caractere suo minus dignos progressus, contra omnia & singula in oppressionem sacrosanctæ Fidei Catholicæ, & libertatis, durantibus Comitibus per eum gesta, facta, & attentata, insuper contra omnia quæ per deputatos Commissarios in præjudicium Religionis Catholicæ, & libertatis nostræ constituta sint, vel fuerint, quamvis etiam ea in proximo termino reassumptionis Comitiorum laudari, acceptari, & approbari per summam vim, & injuriam contigerit, hanc solemnem, imo solemniissimam facio protestationem, manuque mea propria subscriptam in Actis Terrestribus Grodnensibus recognosco. Salva in posterum augendi, & addendi potestate. Actum Grodnæ anno, mense, & die ut supra.

Carolus Littavvor Chreptowicz Mareschalcus Confederationis, Notarius Terrestris, & Nuntius ad Comititia Extraord. Varsaviens. Districtus Grodnensis ex Provincia M.D. Lith.

Concordat cum Originali. Hyacinthus Hintz.

BIBLIOTHECA UNIV.



JAGELLONICAE

Illūsi Legati violentias manifestationibus sub pœna colli inhibitos. Postquam ventum est ad ultimam Comitiorum sessionem, porrecti fuerunt per delegatos ex Ordinibus Regni nonnulli Articuli, conformiter ad leges patrias resoluti, atque in facie Reipublicæ a Secretario Comitiorum lecti; verum cum Illūso Legato minime placuissent, alios per se se compilatos juribus nostris, prærogativis, & libertatibus contrarios, neque publici Notarii manu subscriptos, in simplici & informi copia exhibuit, atque pro eorum approbatione totis viribus enixe instetit. Et quamvis Reipublicæ visum fuerit in gravi & arduo negotio maturæ deliberationi locum dari, atque eo fine Comitia ad primos Februarij differri, & limitari, eo nihilominus non obstante, ut dicti Articuli omnino approbarentur, per vim & metum extorsit.



